

醫學輯要卷四

安義黃柱臣先生鑒定

南城後學謝甘澍謹輯

第

甘盤幼盟同校



藥性分類

辛甘酸苦鹹

五味之義

門人李丙寅質臣類纂
門人李賡華心亭編次

辛屬金入肺

甘屬土入脾

酸屬木入肝

苦屬

火入心

鹹屬水入腎

五色之義

青屬木入肝

黃屬土入脾

赤屬火入心

白屬

金入肺

黑屬水入腎

五味之用

辛味能散能潤能橫行甘味能補能和能潤酸味能



潛能收斂苦味能燥能堅能泄鹹味能下行能軟堅

五行相生子母相應之義

人身五藏應五行金木水火土經曰虛則補其母實

則瀉其子又曰子能令母實如腎為肝之母水生木

心為肝之子木生火故入肝者并入腎與心肝為心

之母火生木脾為心之子土生火故入心者并入肝與

脾心為脾之母火生土肺為脾之子金生土故入脾者

并入心與肺脾為肺之母

土生金

腎為肺之子

水生金

故入肺者并入脾與腎肺為腎之母

金生水

肝為腎

之子

水生木

故入腎者并入肺與肝此五行相生子

母相應之義也

凡藥物之為世用也各有形性氣質其入諸經者有

因形相類者

如連翹似心入心枝核似畢丸入腎之類

有因性相從者

如屬

木者入肝五行可以類推

有因氣相求者

如氣香入脾氣焦入心

有因質相

同者

如藥之頭入頭枝走肢幹入身皮行皮紅花降香汁紅似血走血之類

此天地自

然之理可以意別類推而得也

五藏六府

手太陰

肺

足太陰

脾

手少陰

心

足少陰

腎

手厥陰

心

足厥陰

肝

手少陽

三焦

足少陽

膽

手太陽

小腸

足太陽

膀胱

手陽明

胃

足陽明

大腸



醫集

卷四

三



甘溫補氣之類

類者彙其藥性相類如補有濃淡之品涼有甘苦之味是也雖然對本宣科猶須潛心裁度相類尤貴相因相贊而可相成者本草金部藥性分而彙之別爲一十八類俾閱者一日而知甄別之宜庶幾臨症酌方可免選藥龐雜自相矛盾之失 後學澍注

黃耆 甘溫生用固表無汗能發有汗能止灸用補

中益元氣溫三焦壯脾胃排膿托痘聖藥爲補藥

之長故名耆惡防風

東垣曰黃耆得防風其功益大蓋相畏而更以相使也

甘溫補氣

四

人參 生甘苦微涼熟甘溫大補肺中元氣益土生
津明目開心益智添精神定驚悸除煩渴通血脈
治產勞內傷等症以之瀉火則生用以鍊膏服能
回元氣於無_有何之鄉參生時不喜風日宜焙用忌
鐵茯苓爲使反藜蘆人參蘆能涌吐痰涎可醒酒
白朮 甘補脾溫和中苦燥濕在血補血在氣補氣
無汗能發有汗能止生津液止泄瀉消痰水腫滿

脾虛作脹等症和中已嘔定痛安胎利腰臍間血
蓋胎繫於脾脾虛則蒂無所附故易落血燥無淫
者禁用

蒼朮 甘溫辛烈燥胃強脾發汗除溼能升發胃中

陽氣止吐瀉逐痰水消溼氣脹滿辟惡氣散風寒
濕又能總解氣血痰火六鬱之症燥結便艱汗多

者忌用

註曰夷堅志云有一士遊西湖遇一女子
明豔動人重幣求之不得又五年重尋舊

遊悵然空返忽遇女子欣然並行過旅館留半載
將議偕逝女曰向自君去憶念之苦感疾而亡今
非人也但君浸陰氣深當暴瀉宜服平胃散以補
安精血士驚惋曰藥味皆平何得取效女曰中有
蒼朮除邪氣
乃爲上品也

茯苓 甘溫益脾助陽淡滲利竅除濕色白入肺瀉
熱而下通膀胱宣心益智調營理衛定魄安魂水
氣結胸嘔噦泄瀉白色者入肺分赤者入心經皮
能行皮膚消腫脹茯苓神主治暑同但茯苓入脾腎

之用多茯神入心之用多

茯神 主治畧同茯苓開心益智安魂養神心虛善

治多恚

竊讀李仕材先生著本草通元一書載云茯苓
藉松樹之餘氣而生得土氣最全故作中宮上
藥本草言其利小便伐腎邪則丹溪所謂陰虧
素有內煩者不可常服未爲非是 茯神主用



與茯苓無別但其抱根而生有依附之義故魂
魄不安或夢遺心悸乃其專司也 澍注

鹿茸

甘溫純陽生精補髓養血助陽強筋健骨治

腰腎虛冷四肢酸痛頭眩眼黑崩帶遺精一切虛

損勞傷惟脈沉細相火衰者宜之 鹿角鹹溫生

用散熱行血消腫辟邪治夢與鬼交鍊霜熬膏則

專於滋補時珍曰鹿乃仙獸純陽多壽能通督脈

又食良草其角肉食之有益無損鹿一名斑龍

西蜀道士嘗貨斑龍丸歌尾間不禁滄海竭九轉

靈丹都漫說惟有斑龍頂上珠能補玉堂關下穴

蓋用鹿茸與膠霜也鹿角初生長二三寸分岐如鞍

紅如馬瑙破之如朽木者良太嫩者血氣未足無力酥塗微

炙用不酥塗則傷茸或酒炙不可嗅之有蟲恐入鼻額獵人

得鹿繫之然後斃死以血氣未散故也最難得未破血者

熟地黃 甘而微溫入手足少陰厥陰心腎心包肝

四經滋腎水補真陰填骨髓生精血聰耳明目

治之功亦從所入四經得力可知著述非易

黑髮烏髭治勞傷風痺胎

產百病爲補血之上劑

乾地黃甘苦而寒沉陰

而降滋陰退陽涼血

生地黃甘苦太寒入心腎

瀉小腸丙火清燥金消瘀通經血因火動之症多

服損胃則生地黃之寒涼較熟地黃之甘溫相去

甚遠同一種也有如是分性之殊因其同類闡入

甘溫之選

當歸 甘溫和血辛溫散內寒 苦淡助心散寒入心

肝脾爲血中氣藥治婦人諸不足一切血症陰虛而陽無所附者使氣血各有所歸故名然滑大腸瀉者慎用

枸杞 甘平潤肺清肝滋腎益氣生精助陽補虛勞

强筋骨去風明目根名地骨皮見下葉名天精草苦

甘而涼清上焦心肺客熱代茶止消渴

胡桃 味甘氣熱皮瀝肉潤入腎通命門之火利三

焦溫肺潤腸補氣養血佐補骨脂一木一火大補

下焦

胡桃屬木破骨脂屬火有木火相生之妙

韭子 辛甘而溫補肝腎助命門煖腰膝治遺尿洩

精溺血白帶白淫炒研用燒煙薰牙蟲

甘淡平補之類

甘草 味甘生用平補脾胃而瀉心火炙用補三焦
元氣而散寒入和劑則補益入汗劑則解肌入涼
劑則瀉邪熱入峻劑則緩正氣入潤劑則養陰血
能協和諸藥通行十二經解百毒故有國老之稱
中滿症忌之 甘草外赤中黃色兼坤離味濃氣薄
資全土德協和羣品有元氣之功普
治百邪得傳道之化贊帝力而人不知
參臣功而已不與可謂藥中之良相也